

M068: Altdeutsche Exodus

- 0,1 Ich tate iw̄ gerne chunde.
0,2 wandaz mich irrent funde.
0,3 ettewaz uon den bûchen.
0,4 da wir inne ſculen fûchen.
0,5 def himeliſken chunigeſ ere.
0,6 und finiu werch uil here.
0,7 diu er wilen worhte.
0,8 durch abrahameſ lie=be der in uorhte.
0,9 ander ifraheliſken diete.
0,10 die er lôſte uzzer note.
0,11 herre diner gnadone iſt ſo uile.
0,12 du uergibſt groze ſculde da du wile.
0,13 nu uerlich mir dineme ſcalche.
0,14 daz ich mûze walten.
0,15 ein luzel diner lere.
0,16 durch din ſelbef êre.
0,17 du gib mir dinen wiſtûm.
0,18 daz ich muge wandelen
0,19 mit tutiſkeme munde.
0,20 der latîniſken zungen.
0,21 Herre gehuge wole waz du ſprache.
0,22 die rede du noch iê wâr lieze.
0,23 fuer indinen minnen
0,24 iecht wolte reden.
0,25 daz er ûf tate den munt.
0,26 du eruulteſt ime. in ander ſtunt.
0,27 er ware ane ſorgen.
0,28 ime newurde nicht for uerborgen.
0,29 nu ſende mir ſanctum.
0,30 ſpiritû paraclitum.
0,31 der mingebede lôſe.
0,32 ſo wil ich gerne chofen.
0,33 der heilige geiſt din.
0,34 ordene die rede min.
0,35 Ein bûch heizet éxoduſ.
0,36 dar inne leſen wir fuſ.
0,37 wie iacobef chunne.

- 0,38 ze lande heim funne.
0,39 uzzer egipte lande.
0,40 da iz waf in banden.
0,41 alfo ime gote da uore inthiez.
0,42 do er ime erfain andem wege da er intflief.
0,43 Vinue unde fibinzik ir waren.
0,44 die mit iacobe uören.
0,45 in ein lant heizet egipt⁹.
0,46 diu scrift nennet iz fus.
0,47 die durch hungeref note.
0,48 füren zû heidinifker diete.
0,49 ioseph fi dar in ladete.
0,50 wand er des landes nach dem chunige phlegete.
0,51 Diu selbe gotes diet.
0,52 diu waf pharaone uil liêp.
0,53 diewile er lebete.
0,54 uile grozlich er ingebete.
0,55 durch iosebes willen.
0,56 fines trût gefellen.
0,57 der ime zû finen handen.
0,58 hete daz lant gewonnen.
0,59 fcaz. und eigen. iöch daz fehe.
0,60 finer gnadone müfen fi alle leben.
0,61 So ioseph unde pharao uerficiêt.
0,62 den iuden iz ubele ergiench.
0,63 ein ander pharao daz riche befaz.
0,64 der uil schiere uergaz.
0,65 der manigen gûttate.
0,66 die got erboten hête.
0,67 durh sine liebe trûte.
0,68 der heidinifken diete.
0,69 sin herze wart mit hazze bechoret.
0,70 des müfen fi ingelten durh not.
0,71 Der chunich zû finen rat geben sprah.
0,72 “unf wahsit uil lihte ungemach.
0,73 uon den die wir nienerchennen.
0,74 hiê sint liûte harte fromede.
0,75 folich êwe fi begant.
0,76 die unfere site niene hant.
0,77 unfere gote fi uermanent.
0,78 einen hohen si ane betent.
0,79 des ich niener chenne.
0,80 noch niemen in mineme chunne.
0,81 Ir werch sint ouch wunderlich.
0,82 den unferen nieweht gelich.
0,83 fi uastent unde uîrent.
0,84 ir chint fi besnident
0,85 andem ahttoden tage.

0,86 zetouffe wellent si daz haben.
0,87 uon unf si gent so si betent.
0,88 unfer niuwene phlegent.
0,89 trinchen unde unfer ezzen.
0,90 daz habent si zehazze.
0,91 ir uernemet rehte waz ich iw sage.
0,92 daz nefculen wir uertragen.
0,93 Nu uernemet mine holden.
0,94 waz ich iw sagen welle.
0,95 si sint gute chnehte.
0,96 geturren wole uehten.
0,97 und chumet indizze lant.
0,98 dehein unfer uiant.
0,99 ir ist so wunderliche uile.
0,100 unde cherent sich zuze ime.
0,101 wir haben uerlorn wib unde chint.
0,102 daz sint forchlichiu dinch.
0,103 scalche unde diuwe.
0,104 mugen unf palde riuwen.
0,105 wir sculen williche uaren.
0,106 daz wir iz e wol bewaren.”
0,107 Sine brobeste er do machote.
0,108 al er gewalt habete.
0,109 er hiez sie daz si uuren.
0,110 die iuden famenoten.
0,111 si namin al gemeine.
0,112 ziegel unde staine.
0,113 noch si negetwalten.
0,114 e si ime gemacheten.
0,115 zwo burge ane lon.
0,116 die einen nante er phiton.
0,117 diu ander hiez ramassef.
0,118 luzel ulehter si des.
0,119 Die brobeste taten durchnot.
0,120 daz in der herre gebot.
0,121 si riten after lande
0,122 die iuden famenonde.
0,123 gotes si uergazzen.
0,124 sine wolten si erlazen.
0,125 scalklicher uorhte.
0,126 dielicher werche.
0,127 der uon adele was geborn.
0,128 der muose berien daz hore.
0,129 die herlichen chnehte.
0,130 den laim unt den letten.
0,131 mit handen uile wizen.
0,132 so worhten si zeulizze.
0,133 mit micheler note.

- 0,134 die mure uile ftate.
0,135 Die herren do chlageten.
0,136 die nôt die fi habeten.
0,137 wande fi uerfelchet waren
0,138 ze uil manigen iaren.
0,139 zehûhe iöch ze ſpote.
0,140 der heidene chnehte.
0,141 der chunich in al rihte.
0,142 der wolte si uernikchen.
0,143 mit micheleme fere.
0,144 daz ir newurde mere.
0,145 der tîeuel gap den rat.
0,146 wand er inbezeren ne hat.
0,147 den hefammen er gebôt.
0,148 daz fi taten daz mort.
0,149 mit michelen funden.
0,150 an den ebreifken chinden.
0,151 uerliefen hiez er die degene.
0,152 unde behalten die magide.
0,153 Séphora unde fûa
0,154 mit micheler triuwe.
0,155 bewegeten ire herze.
0,156 uber dere chinde ſmerzen.
0,157 dane dorfte der rabe.
0,158 blütigen ſnabel haben.
0,159 da mahten die gîre.
0,160 uerliefen ire giwen.
0,161 iöch der wolf grawe.
0,162 nedorfte dare gahen.
0,163 noh die heſſe hunde.
0,164 mit hungerigen munde.
0,165 wande der chindeline blût.
0,166 wart uile wole behût.
0,167 uon der wibe uorhten.
0,168 die fi zegote habeten.
0,169 lon inphiengen fi ſin uon ime.
0,170 grozzen richtûm gab er in.
0,171 Der chunich niene twalte.
0,172 die ammen er zûzime ladete.
0,173 er ſprach in ubellichen zû.
0,174 unde uragete waz fi wolden tûn.
0,175 daz fi behielten die degene.
0,176 alfo wole ſam die magide.
0,177 charch waf ir antwurte.
0,178 durch minne unt durch uorhte.
0,179 fi ſprachen in triuwen.
0,180 die ebreifken frôwen.
0,181 die chunden ſelbe den liſt.

0,182 der zû chint pette gût ift.
0,183 “alfo wir iz haben uernomen.
0,184 fuenne wir zû zin chomen.
0,185 fi habent unfer uil gûten rat.
0,186 ir geburt hant fi uure braht.”
0,187 der chunich wol fach.
0,188 daz iz mit in urume newaf.
0,189 er hiez alle fine diet.
0,190 fine liezzen daz nieht.
0,191 fuaz da wurde degene.
0,192 die scolten fi erfterben.
0,193 fi scolten iz bedenchen.
0,194 zewazzere ertrenchen.
0,195 die magide leben liezzen.
0,196 ir fcone geniezzen.
0,197 Vnder den iuden waf ein man.
0,198 def ich genennen niene chan.
0,199 uon leui waf er geboren.
0,200 ein wib hêt er ime erchoren.
0,201 uzzer fineme geflahte
0,202 zefin felbef bette.
0,203 er hete fi genomen
0,204 zû einer elichen chonen.
0,205 diu inphiheng unde gebar.
0,206 ein uil erlichez parn.
0,207 durch die fine fcone
0,208 hal fiz drie manode.
0,209 daz iz ungewizzen waf.
0,210 daz fi fin genefen waf.
0,211 [D]o iz da zû bechom.
0,212 daz iz nemahte langer fin uerholn.
0,213 uzzer binezze fi worhte.
0,214 eine zeinen der fie bedorfte.
0,215 diu mûter waf wife.
0,216 mit peche unt mit firnife
0,217 die zeinen fi uerchlenite.
0,218 daz chint fi dâr in legete.
0,219 mit grozzem ungemache.
0,220 fi uerftal fich zû einem bache.
0,221 an die drate fi daz chint uerlie.
0,222 heim fi trurende gie.
0,223 fin fuefter iedoch uvar nam.
0,224 wie finiu dinch foltin uaren.
0,225 Gotef werch fint wunderlich.
0,226 in ift niuweht gelich.
0,227 pharaonif thoter.
0,228 unde def chindes fuefter.
0,229 mit magiden uile fconen.

- 0,230 fi wolten sich erhölen.
0,231 do fi sich padeten.
0,232 fo fi willen habeten.
0,233 diu uröwe indem fahere gefach.
0,234 den chrezzen da daz chint inne waf.
0,235 fi hiez aine maget iunge.
0,236 daz fi in ire gewunne.
0,237 fciere ward ervollet.
0,238 daz diu uröwe gebot.
0,239 ûf tet fi die zeinen.
0,240 fi horte dar inne weinen.
0,241 einen wenigen chnaben.
0,242 def begunde fi erbarmide haben.
0,243 fi sprach daz zuare.
0, daz
0,244 iz der ebreifken chinde ware.
0,245 diu fuefter sprach do.
0,246 der iuncuröwen zû.
0,247 “wil du daz ich dir gewinne.
0,248 eine chind ammen.
0,249 diu unf daz chint behalte.
0,250 unz iz fin felbef walte.”
0,251 fi gebot daz fi tati.
0,252 alfo fi geredet hete.
0,253 diu dierne uile harte gahete.
0,254 die müter dar brahte.
0,255 fi biuahleh ir den wenigen iungelinch.
0,256 unde nante in moÿsen unde ire chint.
0,257 daz chuit uon deme wazzere ich in nam.
0,258 er heizet moÿſef penamen.
0,259 daz chint nam daz felbe wib.
0,260 fi behielte iz wole wande iz waf ire liep.
0,261 zegenandem tagidinge.
0,262 brahte fi in widere.
0,263 diu iuncuröwe here.
0,264 inphieng in mit eren.
0,265 fi zechete wole finiu dinch.
0,266 wand er waf ir uvndeniz chint.
0,267 fuie fo er felbe wolte.
0,268 fo hiez fi in behalten.
0,269 Daz fage ich iw zeware.
0,270 nach ettelichen iaren.
0,271 do moÿſes wart zeman.
0,272 zû finen brüderen er fan.
0,273 er gefach ire arbeite.
0,274 diu waf ime innerkliche leit.
0,275 einet tages er geſtûnt.
0,276 da sich ein ſtrît hub.

- 0,277 under zwein chnehten.
0,278 die wuruen unrehte.
0,279 der eine waf ime uone chunne lieb.
0,280 doch ne lie daz der heidinifke man nicht.
0,281 erne rafftin mit flegin fuare.
0,282 def erbalch sich moyfes zeware.
0,283 umbefehen erbegan.
0,284 obe da ware ieman.
0,285 der in mohte melden.
0,286 er wolte gerne felbe.
0,287 rechen finen anden.
0,288 mit fin felbef handen.
0,289 do er do nieman nefach.
0,290 den finen chunden er rach.
0,291 er flûg in zetode.
0,292 und barg in inder erde.
0,293 daz nieman nefâhe.
0,294 waz da gefcehen wâre.
0,295 Morgene zeder felben zît.
0,296 gefach er aue einen ftrît.
0,297 uon zwein hûfgenozzen.
0,298 fcelten grôzze.
0,299 zû dem einem er sprach.
0,300 “durch waz tûft du ungemach.
0,301 dineme chunnelinge.
0,302 def folt du erwinden.
0,303 flege unde ftozze.
0,304 folt du in erlazzen.
0,305 durch die gotef minne.
0,306 folt du if erwinden.”
0,307 der aine ime antwrte.
0,308 mit ubellichime worte.
0,309 “wer gab tich mir zeherren.
0,310 oder zerihtare.
0,311 ich wâne du mir wil tûn.
0,312 alfo gefteren urô.
0,313 der heidene chnehte.
0,314 du uerift uil unrehte.
0,315 den du dort haft er flagen.
0,316 in deme fande begraben.”
0,317 Moyfes erchom sich harte.
0,318 fuf getaner worte.
0,319 harte wunderen in began.
0,320 wer offen habete getan.
0,321 den man den er habete erflagen.
0,322 erne wolt iz nieman nefagen.
0,323 der chunic pharao uernam.
0,324 moyfes habete erflagen einen man.

0,325 der finer lantlûte.
0,326 do hiez er behûten.
0,327 daz er dan nefunne.
0,328 noch ime intrunne.
0,329 er ne wolt iz nicht uerchiefen.
0,330 man nemûfe in uerliefen.
0,331 der herre uloch durch not.
0,332 wand er vorhte den tôt.
0,333 Vz deme lande er entran.
0,334 er getwalte in madian.
0,335 dar er waf entrunnen.
0,336 er gefaz zû einem brunnen.
0,337 unz er sich berihte.
0,338 waz er tûn mohte.
0,339 er waf in deme lande.
0,340 gewiffê ellende.
0,341 noh nehete ze finer urâge.
0,342 neheinen ratere.
0,343 noch neheinen râtgeben.
0,344 wie er furder folte leben.
0,345 Ain ewart waf in madian.
0,346 tohter hête er fibene.
0,347 die chomen fâ zeftunde.
0,348 uber den felben brunnen.
0,349 fi wolten def beginnen.
0,350 def wazzeref gewinnen.
0,351 daz getrunche ire uihe.
0,352 daz begunden in weren.
0,353 hirte unfûzze.
0,354 fi wolten fi uerftôzzen.
0,355 fi newolten in gunnen.
0,356 def felben brunnen.
0,357 Die chnehte und diu fiben wib.
0,358 obe den nûfgen heten fi den ftrît.
0,359 wande der wibe chrefte.
0,360 wider die man netohte.
0,361 moyfeshalf den magiden.
0,362 daz fi den fige erwurben.
0,363 ire uihe er in getranchte.
0,364 ir uater ietro danah ime def danchete.
0,365 heim cherten fi urôlichen.
0,366 ietro fprach minnechlichen.
0,367 wie fi fo fciere chomen.
0,368 des fi gewon newaren.
0,369 fi antwurten ime do.
0,370 daz in ware chomen zû
0,371 ein man uon egÿpte lande.
0,372 def fi niener chanden.

- 0,373 "er habete unf geledigot.
0,374 uon der uore gefageten not.
0,375 daz wazzer ſcûf er felbe.
0,376 unfer uihe waf er labende."
0,377 Des antwurte in ietro.
0,378 "ware chom der felbe man do.
0,379 daz ift ein uil rehter fite.
0,380 der dem anderm wole uert mite.
0,381 daz er etteliche ere.
0,382 dâr ingegene chère.
0,383 ich newil nieht langer bîten.
0,384 ir fult inhere inleiten.
0,385 ir ilet in here zemir laden.
0,386 wir fuln ime wole mite uaren.
0,387 unfer brôt fol er ezzen.
0,388 finef leidef uergezzen."
0,389 do moyſes zû zeime chom.
0,390 do wart er wole enphangen.
0,391 iedwederer ſich do uröwete.
0,392 daz er vunden habete.
0,393 gelichen gefellen.
0,394 al zû finem willen.
0,395 fo der ellende tût.
0,396 fo iz ime chumet an die not.
0,397 er wirt ofte willich.
0,398 deme der ime ift gnadich.
0,399 Ietro triuwen fan.
0,400 moyſi gab er ſephoram.
0,401 fine tochter zeiner chonen.
0,402 alf man tûn fol.
0,403 er bat daz er ime ſwöre.
0,404 noch uon ime nefüre.
0,405 und er ſtâte wære.
0,406 daz wurde ſin gefüre.
0,407 er machet in geliche.
0,408 ime ſelbem eben riche.
0,409 wir leſen daz er in gewerete.
0,410 def er an in gerete.
0,411 Vber un manige tage
0,412 ſephora begunde tragen.
0,413 ſi gebar einen chnaben.
0,414 ſin uater hiez in gerfan.
0,415 daz chuit ich wart in chunde.
0,416 in uromedeme lande.
0,417 daz waf ein bezeichenlicher name.
0,418 den moht er uile gerne haben.
0,419 Danah uber gewoneliſh zît.
0,420 wart fuanger daz felbe wib.

0,421 def urōwete sich der uater gūte.
0,422 uon alleme finem mūte.
0,423 do der tach do bechom.
0,424 daz daz chint wart geborn.
0,425 iz wart ein degen. luffam.
0,426 fin uater scūf ime einen namen.
0,427 “eliezer fol man dichnennen.
0,428 da bî mach man dich erchennen.
0,429 daz wort ist troſtpāre.
0,430 iz chuit got ist min helphare.
0,431 wande er mich nam gefunden.
0,432 uone pharaonif handen.”
0,433 Nvne fuln wir nicht tuelen.
0,434 wir nebiginnen zellen.
0,435 wie iz da zū ergiench.
0,436 daz hebreifkiu diet.
0,437 mit allem ire uande.
0,438 für heim ze lande.
0,439 alf iz got wolte.
0,440 der fi da holte.
0,441 mit wunderen manichualt.
0,442 der er hete gewalt.
0,443 âne werch tougen.
0,444 fo wolt er irougen.
0,445 fine chraft grozze.
0,446 ê fis ie uerliezen.
0,447 Iz gefcach uber manigen tach.
0,448 daz der chunich pharao erſtarb.
0,449 ein anderer befaz daz rîche.
0,450 derne wolte in nicht entuîchen.
0,451 def werchef def fi tâtin.
0,452 unde fi in ane brahten.
0,453 mit fûftoden manigen.
0,454 rieffen fi zehimele.
0,455 fi clageten ir not manigualt.
0,456 die fi liten uber tach.
0,457 got wolte fi erhören.
0,458 durch liebe ir uorderône.
0,459 Moÿſes hielt daz uihe.
0,460 daz ſin waf unde ſinef fueher.
0,461 in einer wûlte uerre.
0,462 er chom zū oreb einem berge.
0,463 da erfçain ime got der gewâre.
0,464 alf iz lõch uiuref wâre.
0,465 in mittem deme geſpreide.
0,466 wole uerre an der heide.
0,467 daz uiur waf dar obenan ane.
0,468 daz holz iedoch niene bran.

0,469 Michel wunder do genam.
0,470 den uile tiurlichen man
0,471 waz diu fache wære.
0,472 er negefach fie nie mere.
0,473 er begunde dare gahen.
0,474 daz er iz befähe.
0,475 er wolte gerne eruinden.
0,476 waz wære an difen dingen.
0,477 Dogefach got der gûte.
0,478 waz waf infinem mûte.
0,479 uon mitteme deme gefpreide.
0,480 in der felben heide.
0,481 zwire in got nande.
0,482 wole er in bechande.
0,483 der ander fprach “hie bin ich.
0,484 wie bechenneft du mich.”
0,485 got fprach aue fâ.
0,486 “twele eine wîle.
0,487 nicht du negaheft.
0,488 here fo harte. naheft.
0,489 du ziuch mit mûzzen.
0,490 din gefcûhe uon dinen uõzzen.
0,491 heilich ift elliu difu ftat.
0,492 fua fo din fûz ftat.”
0,493 Got infinen minnen.
0,494 têt fich ime inchunde
0,495 “zeware phligin ich if mich.
0,496 got dinef uater bin ich.
0,497 got abrahamef.
0,498 got ifaachef.
0,499 got iacobef.
0,500 unde allef dinef chunnef.”
0,501 dise rede moyfes gehorte.
0,502 fin antluzze er nider cherte.
0,503 er uerbarch finiu ougen.
0,504 ernegetorfte nicht fcouwen.
0,505 uo^r finer mennifkheite.
0,506 zeder grozzen gotheite.
0,507 Do chot diu gotes ftimme.
0,508 “ich fach die quellefunge.
0,509 minef lieben liutef.
0,510 inlande pharaonif.
0,511 finen wûf ich hân uernomen.
0,512 diu fcerfe der heidene ift in obe.
0,513 ir fêr han ich uernomen.
0,514 durch daz bin ich here chomen.
0,515 daz ich fi uon egÿpto.
0,516 lofe mit gewalte.

0,517 uon dem ellende.
0,518 zebezzermelände fandē.
0,519 da uliuzzet der honich fāim
0,520 miliche ein uil michel teil.
0,521 die ftete wil ich dir nennen.
0,522 fo maht du fi erchennen.
0,523 uon fiben chunigen die sihabent.
0,524 dere gewinneft du gewalt.
0,525 wil du wizzen ir namen.
0,526 der ift alfuf getan.
0,527 einer chananeuf.
0,528 der ander etheuf.
0,529 der dritte amorréuf.
0,530 der uierde uerezeuf.
0,531 der uinfte eueuf.
0,532 der fehftē iebufeuf.
0,533 der fibente gerefeuf.
0,534 die nenne ich dir fuf.
0,535 Nv chum naher her zû mir.
0,536 du uirnim waz ich chode zû dir.
0,537 uirnim wole waz ich dir fāge.
0,538 zû pharaone folt du uaren.
0,539 du mußt uon ime gewinnen.
0,540 die mine iungelinge.
0,541 du folt leittare fin.
0,542 def liutes daz ift min.”
0,543 der gûte man sprach do.
0,544 uil harte erchomenlichō.
0,545 “herre wer bin ich.
0,546 oder wie ftet iz umbe mich.
0,547 daz ich mit pharaone.
0,548 muge haben gechofe.
0,549 oder muge leiten.
0,550 fo chreftige diete.
0,551 mit allem ir uande.
0,552 uon def chunigef lande.
0,553 mit deheiner miner chrefte.
0,554 wider finer hêrfcefte.
0,555 diu ift fo unmazlich.
0,556 und erbilget er ſich wider mich.
0,557 ſcierebin ich erflagen.
0,558 wie fol iz danne uaren.”
0,559 Daz antwurte waf troftlich.
0,560 “dâr umbe du intuvich.
0,561 mit dir wil ich wonen.
0,562 uon dir newil ich chomen.
0,563 mit dir wil ich uaren.
0,564 ein zeichen folt du haben.

0,565 fo müzzen fi erchennen.
0,566 daz ich dich felbe fende.
0,567 zware glöbe du iz mir.
0,568 fuaz er getût wider dir.
0,569 def newirt nicht uergezzen.
0,570 iz newerde ime wider mezzen.
0,571 mit fo getaneme hère.
0,572 fo du uz folt erwegen.
0,573 fo ne folt du dife ſtrazze.
0,574 nieweht uerlazzen.
0,575 noh dife ênge ſtîge.
0,576 nieweht uermiden.
0,577 nu merche waz ich dir welle fagen.
0,578 hie folt du uvre uaren.
0,579 mit michelen minnen.
0,580 ein opher mir bringen.
0,581 uile wunderlichen ſcone.
0,582 an difſef pergef hohe.”
0,583 Moÿſes ſprach zegote.
0,584 “nu wil ich ſin din bote.
0,585 ich chume zedeme liute.
0,586 alfo du mir gebiuteſt hiute.
0,587 unde wil in fagen.
0,588 daz ich uon dir uare.
0,589 du fiſt ire uater got.
0,590 fi ſculen behalten din gebot.
0,591 obe fi danne wellen.
0,592 den dinen namen erchennen.
0,593 waz fol ich in denne fagen.
0,594 daz fi ze ware mugin haben.”
0,595 Do ſprach got lûte.
0,596 zemoÿſi ſineme trûte.
0,597 du folt den iuden fagen daz.
0,598 daz fi mich erchennen deſte baz.
0,599 min name iſt alſuf getan.
0,600 daz fuln fi uure wâr haben.
0,601 ich bin der ich bin.
0,602 der name hât tiefen ſin.
0,603 du fage in alfo iz iſt.
0,604 “ze eu hat mich gefant der da iſt.
0,605 got unde herre.
0,606 iuwerer uorderone.”
0,607 der name iſt mir zeêren.
0,608 zeuile manigen ewen.
0,609 uone chunne zechunne.
0,610 zeuile maniger wunne.
0,611 Nv nebît funder du uare.
0,612 den altiften allen folt du fagen.

0,613 "got hât mich zû iuv here gefant.
0,614 indiz heidene lant.
0,615 er wolte ouch erfcinen.
0,616 minem brodem libe.
0,617 unde gerûchte sich nennen.
0,618 daz wir in erchennen.
0,619 unde wil fo wole tûn.
0,620 unde wil iuwer wifen.
0,621 wil iuch hinnen leiten.
0,622 uon difen arbeiten.
0,623 zemichelen wunnen.
0,624 mit chonen iöch mit chinden.
0,625 uon iuwerem ellende.
0,626 zebezzere me lande.
0,627 ir werdet geweret.
0,628 al def iuwer mût gert.
0,629 richtûm. und êre.
0,630 uile bezzêre."
0,631 fi gewinnent hebe grozze.
0,632 fuenne fi beftozzent.
0,633 chananeum.
0,634 den heiden etheum.
0,635 amorréum.
0,636 den ftolzen ferezeum.
0,637 den tumben eueum.
0,638 den richen iebuseum.
0,639 den chunich ierefeon.
0,640 daz fol wesen ir lon
0,641 milch unde honech feim.
0,642 da fchaffen ire heim.
0,643 def gewere ich fi zeware.
0,644 ich gehi ez iz abrahame.
0,645 Suenne fi gehôrent den geheiz.
0,646 er wirt in lieb unde zeiz.
0,647 fi uernement dine ftimme.
0,648 mit lieblicher minne.
0,649 nu hore aue here zemir.
0,650 die altherren nim zû dir.
0,651 unde gench zû dem chunige pharaone.
0,652 du fprich gezogenliche unde fcone.
0,653 "got herre dirre liûte.
0,654 der ladet unfich hiûte.
0,655 in die wûfte fuln wir uaren.
0,656 drî tage uile fram.
0,657 opher fuln wir bringen.
0,658 dem ewigem chunige."
0,659 fuenne er daz gehoret.
0,660 fin herze wirt erhertet.

0,661 er wil fi da behaben.
0,662 erne lat fi danne uaren.
0,663 in miner ftarchen hant.
0,664 fo wesen ire uant.
0,665 Mine hant wil ich tenen.
0,666 unde wil flahen dere heidene hère.
0,667 in alleme wundere min.
0,668 daz ich wil wurchen under in.
0,669 fo lat er iuch dannen.
0,670 iedoch mit unwillen.
0,671 ich gibe difeme liute.
0,672 gnade uor heidinifker diete.
0,673 wanne fuenne ir dane uart.
0,674 fo ne habet ir îtele hant.
0,675 ir habet iz zefîte.
0,676 iuweriu wib heizzet biten.
0,677 uon den hûf herren.
0,678 iöch uon ire gebûren.
0,679 filberine naphfe.
0,680 guldine cophfe.
0,681 die tiurlichen ane lege.
0,682 den chinden fult ir fi geben.
0,683 fo werdent fi beroubet.
0,684 da mite bûzzet ir iuwere not.
0,685 Der bote is antwurte.
0,686 mit fuf getanen worten.
0,687 “daz liut ift ungehorfam.
0,688 nicht uernemen iz nechan.
0,689 fwenne diu rede wirt in wage.
0,690 fine geloubent daz ich infage.
0,691 noh nehorent mine ftimme.
0,692 chodent ich uare mit trugenlichen dingen.
0,693 noh ich negefahe dich nie.
0,694 waz chude ich danne wider fie.”
0,695 Got fragen began.
0,696 den uil tiurlichen man.
0,697 waz er inder hant hête.
0,698 er fprach “eine gerte”
0,699 er chot “wirf fi an die erde.
0,700 fich zewiu fi werde.”
0,701 ich weiz daz felbe wort.
0,702 fciere wart ervollet.
0,703 fi wart zeinem flangen.
0,704 grozzem unde langem.
0,705 harte egebare.
0,706 der man untrâge.
0,707 wolte dane fpringen
0,708 er hiez in erwinden.

0,709 er hiez in uahen den zagel.
0,710 uafte inder hant haben.
0,711 uarewe wafer mißfelig.
0,712 daz tuhte in ungewarlich.
0,713 iedoch er netwalte.
0,714 fin gebot erreuwlte.
0,715 der flange wart uerwandelot.
0,716 in eine gerte weiz got.
0,717 inir rehtez bilede.
0,718 daz waf ein zeichen edele.
0,719 Got sprach zû dem man.
0,720 “daz habe ich umbe daz getan.
0,721 obe fi niene glöben dir.
0,722 daz ich bin erfcinen dir
0,723 ich got herre.
0,724 diner uorderone.
0,725 got abrahames.
0,726 got yfaachef.
0,727 got iacobef.
0,728 und allef dinef chunnef.”
0,729 Got sprach ime zû.
0,730 “ich fage dir wie du tû
0,731 du ftoz dine hant.
0,732 fciere in daz dîn gewant.
0,733 ich weiz er iz neliez.
0,734 in den büfem er fi ftiez.
0,735 alf er fi aue ûz zôch.
0,736 do ward ein zeichen uil grôz.
0,737 fi waf wîz fâm ein fnê.
0,738 gelich der mifelfuhte.
0,739 der man waf in forgen.
0,740 er hiez fi in aue bergen.
0,741 ich weiz er iz aue do neliez.
0,742 inden büfem er fi ftiez.
0,743 er hiez in aue fa befehen.
0,744 wie ire wâre gefcehen.
0,745 fi wafaue phlige ich mich.
0,746 dem anderem uleifke gelich.”
0,747 “Ift daz fine meinent.
0,748 daz ich dir hân erzeiget.
0,749 noh fi niene geloubent.
0,750 daz ich dir hân erouget.
0,751 fo fehen aue dar zû.
0,752 daz du noh fulef tûn.
0,753 daz wazzer folt du nemen.
0,754 an die erde giezzen.
0,755 fwaz fin wirt gefcaffen.
0,756 zeblûte ich in daz mache.

0,757 daz wizzest uone mir.
0,758 fo geloubent fi dir.”
0,759 Do sprach der bote gûte.
0,760 mit erchomenlichem mûte.
0,761 “mir ist neizwaz gesehen.
0,762 daz ich nemach nieht reden.
0,763 hiute ist der dritte tach.
0,764 daz ich reden niene mach.
0,765 min zunge ist tragere.
0,766 denne ich gewone wære.
0,767 uon diu fende herre.
0,768 boten bezzere.”
0,769 Got fragen began.
0,770 den selben man.
0,771 do er zwuelote.
0,772 an sinem worte.
0,773 wer des mennicken munt.
0,774 hete gezimberot.
0,775 “den stummen und den tôren.
0,776 mit den touben ôren.
0,777 gefehende unde blinde.
0,778 bin ich piledende.
0,779 ich alterseine.
0,780 ander neheine.
0,781 uon diu solt du uaren.
0,782 ich wil dich pewaren.
0,783 ich pin in dinem munde.
0,784 unde tûn dir in chunde.
0,785 waz du uermidest.
0,786 redest oder fuigest.”
0,787 Moyses der gûte.
0,788 ienoh zwuelote.
0,789 er chot “herre ich pite dich.
0,790 noh erlâzzest mich.
0,791 du fende der der tûge.
0,792 ich ne bin neheine frume.”
0,793 ze uerre habet er geredet.
0,794 got wart sin beweget.
0,795 er chot “din brûder ist zeware.
0,796 gnûch rede spahe.
0,797 uile wole man in erchennet.
0,798 aaron ist er genennet.
0,799 er ist uon leui geboren.
0,800 ingegene fol er dir chomen.
0,801 als er ane fihet dich.
0,802 daz sin herze urôwet sich.
0,803 nicht du in neuerdagest.
0,804 dise rede ime sagest.

0,805 indem munde fineme.
0,806 fam in dem dineme.
0,807 wil ich felbe redenen.
0,808 mit michelen triuwen.
0,809 ich wil iw warlichen.
0,810 niemmer gefuichen.
0,811 ich lêre iuch zware.
0,812 wie ir fult gebâren.
0,813 Din brûder fi din mûnt.
0,814 ich tûn iz aue dir chunt.
0,815 inden rehten minnen.
0,816 ir helfet einen anderen.
0,817 dife gerten wil ich dir geben.
0,818 die folt du indine hant nemen.
0,819 fo tûft du zware.
0,820 diu zeichen urmâre.”
0,821 Do der heilige man.
0,822 zegote urloub genam
0,823 wole waf ime gefcehen.
0,824 er ûur heim zefinem fweher.
0,825 er begunde ime fagen.
0,826 daz er zelande wolde uaren.
0,827 zefineme geflahte.
0,828 er finden wie iz mahte.
0,829 urloub gab ime do.
0,830 fin fweher iethro.
0,831 “mit heile mûzzeft du uaren.
0,832 dîn got fol dich bewaren.
0,833 dich fende er mit gefunde.
0,834 heim zedineme lande.”
0,835 moyfes fich do urôwete.
0,836 def er uernomen habete.
0,837 daz waren uerfceiden.
0,838 die ime taten leide.
0,839 Do nam er wib unde chint.
0,840 vurt iz allez an den fint.
0,841 alf er wolte inegÿpte lant.
0,842 die gerte trûg er ander hant.
0,843 got fprach ime zû.
0,844 ich fage dir rehte wie du tû.
0,845 nieweht du def nemide.
0,846 def dir geboten fie.
0,847 uore pharaone.
0,848 zeichen tû du fcone.
0,849 fin herze wirt erhertet.
0,850 daz liut erne lazzet.
0,851 zû zime folt du choden.
0,852 alfo du iz haft hie uernomen.

0,853 “zeware geloube du iz mir.
0,854 got ſprichet zû dir.
0,855 min erifter fun iſt difiu diet.
0,856 der iſt mir innechlichen lieb.
0,857 den ſolt du mit gewalte.
0,858 langer gehalten.
0,859 daz han ich geboten dir.
0,860 widere la du in mir.
0,861 daz er mir diene.
0,862 fo tûſt du mir liebe.
0,863 ne wil du in lazzen.
0,864 def nemaht du geniezzen.
0,865 nelaſt du mir den minen.
0,866 ich erflahe dir den dinen.”
0,867 nach waſ difiu rede ergangen.
0,868 in fineme fune iungen.
0,869 got wolt in hin nemen.
0,870 da er waſ in einem wege.
0,871 fêphora diu amme.
0,872 diu ilt ir iz enblanden.
0,873 fi nam ir einen weſſen ſtein.
0,874 finehete mezzar nehein.
0,875 fi beſneit def richen chunigef chint.
0,876 daz warin charchlichiu dinch.
0,877 unde rûrte. uile fûzze.
0,878 def chindelinef fûzze.
0,879 fi ſprach “zeware ſagen ich dir.
0,880 brutegoum blûteſ biſt du mir.”
0,881 got in nieht hin nam.
0,882 durch fuſ getanen namen.
0,883 er leib dem iungen
0,884 durch di beſnidunge.
0,885 Got ſprach zû aarone.
0,886 “du uare zû din brûdere.
0,887 in die wûſte uerre.”
0,888 daz tet er uile gerne.
0,889 er chom ime ingegene.
0,890 an dem gotef perge.
0,891 minneklich er in chuſte.
0,892 wie wole ſie def geluſte.
0,893 moyſes ime ſagete.
0,894 waz er geſehen habete.
0,895 ich weiz er ime zelen began.
0,896 al diu wort diu er uernam.
0,897 diu zeichen diu er hete.
0,898 zû der gotef diete.
0,899 zû deme chunige.
0,900 und zaller finer menige.

0,901 do fi mit minnen.
0,902 chomen zefamene.
0,903 fi ilten uile. drate.
0,904 zefamene famenoten
0,905 die altherren under in.
0,906 aaron do fagete in.
0,907 alle die lere.
0,908 die got moyſene.
0,909 dem heiligem man.
0,910 chunt hete getan.
0,911 ouch er offenote.
0,912 aller der diete.
0,913 zeichen uile ſcone.
0,914 die er uone gote urone.
0,915 habete gewonnen.
0,916 zeder gewiſſunge.
0,917 Die iuden daz uernamen.
0,918 hei wie urô fi waren.
0,919 daz ir got gedahte.
0,920 unde ire gewiſote.
0,921 mit fuſ grozzen dingen.
0,922 fie fûhten ir uenie.
0,923 fi ſtrahten ſich werde.
0,924 nider zû der erde.
0,925 da hôrte man fuſtod unde wûft.
0,926 da ſach man weinen genûch.
0,927 wer mahte vurebringen.
0,928 gefagen oder gefingen.
0,929 wie fi ſich urôweten.
0,930 def ſie uernomen habeten.
0,931 mit allem ir mûte.
0,932 fi lobeten got den gûten.
0,933 ime fi ſich ergaben.
0,934 zefinen genaden.
0,935 mit handen und mit munde.
0,936 daz er fi gefunde.
0,937 heim zelande brahte.
0,938 alf er geredet hete.
0,939 Do fi do gebeteten.
0,940 fo uile fo fi wolten.
0,941 die boten beide vûren.
0,942 zedem chunige pharaone.
0,943 fi ſprachen baltliche.
0,944 “unf hat got der riche.
0,945 beide her zû dir gefant.
0,946 nach ſiner gewalt.
0,947 er heizzet dir fagen.
0,948 daz geturren wir uerdagen.

0,949 du habest dir die dîne.
0,950 unde lazzest ime die fîne.
0,951 in die wûfte fuln wir uaren.
0,952 driê tage uile fram.
0,953 opher fuln wir bringen.
0,954 mit wiben unde mit chinden.
0,955 dem fcephere.
0,956 der himile unde der erde.
0,957 der berg heizzet oreb.
0,958 da wirt daz opher uile wert.
0,959 da geben wir gote unfere gebe.
0,960 daz unf iuweht gefchehe.
0,961 uone fuhte oder fwerte.
0,962 an unferer heimuerte.”
0,963 Der uoſpreche do redete.
0,964 alf er uernomen habete.
0,965 “zeware geloube du iz mir.
0,966 got ſpricht zû dir.
0,967 min erifter ſun iſt diſu diet.
0,968 der iſt mir innekliche liep.
0,969 den neſolt du mit gewalte.
0,970 langer gehalten.
0,971 daz han ich geboten dir.
0,972 widere la du in mir.
0,973 daz er mir diene.
0,974 ſo tûſt du mir liebe.
0,975 newil du in lazzen.
0,976 def ne maht du geniezzen.
0,977 nelaſt du mir den minen.
0,978 ich erlaſſe dir den dinen.”
0,979 Der chunich in antwurte.
0,980 mit luzzelen worten.
0,981 “ir herren wer iſt iuwer got.
0,982 daz ich behalte ſin gebot.
0,983 daz ich laze diſe diet.
0,984 ich negeuolgef ime nieht.
0,985 daz liud ir uerfûmet.
0,986 min dieneſt ir mir irret.
0,987 fuſ getan gechofe.
0,988 daz dunchet mich ſo boſe.
0,989 iz in iſt niuwehtes wert.
0,990 uart wurchet iuwer werch.”
0,991 Der chunich ſprachlûte.
0,992 zealler finer diete.
0,993 iz in iſt niuwehtes wert.
0,994 ir ſehet wole wie iz uert.
0,995 def liutes iſt worden uile.
0,996 niuwene libet ir ime.

0,997 gebet ir ime rawe.
0,998 unde tû ir ime genade.
0,999 fo wirt ire uile mêre.
0,1000 zeunfereme fere.
0,1001 nuuernemet wie ir tû.
0,1002 daz dunchet mich innekliche gû.
0,1003 ir nefult in geben.
0,1004 fwie ubele so fi leben.
0,1005 daz ftro zedeme uiure.
0,1006 zeder ziegel ftiore.
0,1007 lat fi felbe famenen.
0,1008 ftunphe unde halme.
0,1009 zeder ziegel eitte.
0,1010 felbe fi fi leitten.
0,1011 unde iedoch aller tageliche.
0,1012 fo gebe manneglich.
0,1013 fine zale gare.
0,1014 fo fuln wir in mite uaren.
0,1015 wande fi arbeite nehabent.
0,1016 fi uirent unde chlagent.
0,1017 und chodent “wir fuln uaren.
0,1018 opher gote bringen.”
0,1019 nu tû wir in fo we.
0,1020 mit
0,1015 arbeite
0,1020 def werchef fere.
0,1021 daz fi niene uolgen.
0,1022 fuf getanen fpellen.
0,1023 Des chunigef holden taten.
0,1024 fo fi uernomen haten.
0,1025 fie thwungen uile ftarche.
0,1026 daz luit zû dem werche.
0,1027 mit flegen unde ftözzen.
0,1028 wunderlichen grozzen.
0,1029 fi enphiengen uile manigen flach.
0,1030 fi worhten tach unde naht.
0,1031 mit micheler riuwe.
0,1032 alte unt iunge.
0,1033 er ware gefunt oder fiech.
0,1034 man ne laib ime nicht.
0,1035 niemen finescerten.
0,1036 die den gewalt habeten.
0,1037 die meiftere fi bluwen.
0,1038 unfanfte duwngen.
0,1039 fwa fi fenfte waren.
0,1040 den ire under tânen.
0,1041 fpachen finefolten twellen.
0,1042 den ziegel wider zellen.

0,1043 mit alfo lihem uollen.
0,1044 fo fi waren ê gewon.
0,1045 zepharaone chomen.
0,1046 die def werchef phlagen.
0,1047 wânden daz fi vunden.
0,1048 finer barmunge.
0,1049 uber ire fmerze.
0,1050 fine barmherze.
0,1051 fi begunden ime chlagen.
0,1052 heizze weinende fagen.
0,1053 mit michelen riuwen.
0,1054 fi waren zebluwen.
0,1055 fi habeten uile grozze not.
0,1056 ire werch ware in gemerot
0,1057 in aller flahte wîfe.
0,1058 abe genomen diu spîfe.
0,1059 “du nelîbest uns weiz got.
0,1060 unf ware bezzere der tât.
0,1061 wir fin dine fcalche.
0,1062 du rûch unf behalten.
0,1063 nu lib unf herre ettewaz.
0,1064 daz wir dienen. defte baz.”
0,1065 Der chunich in antwurte.
0,1066 mit zornlichen worten.
0,1067 “îr gêt müzzich alle tage.
0,1068 uon diu hôr ich dife chlage.
0,1069 hetet ir iecht zewerche.
0,1070 fo ne gertet ir fo ftarche.
0,1071 allez ane eruullen.
0,1072 iuweren mût willen.
0,1073 noh iuwer opher geben.
0,1074 iane wizzend ir weme.
0,1075 diu iûre gefazte not.
0,1076 diu newirt iw nicht geminnerot.
0,1077 gêt zedem werche.
0,1078 ir wurchet uile ftarche.
0,1079 gût îft iuwer chraft.
0,1080 wurchet tach unde naht.
0,1081 man negît iw zeware.
0,1082 nicht zû dem uiure.
0,1083 ich wil alle tage.
0,1084 haben der ziegele zale.
0,1085 der newil ich mangelen.
0,1086 inrehten triuwen.”
0,1087 Die armen do gehorten.
0,1088 ware diu rede cherte.
0,1089 daz fi neuvnden.
0,1090 gnade der fi funnen.

0,1091 fi ilten dare gahen.
0,1092 da fidie boten fâhen.
0,1093 die got gefant hete.
0,1094 der uerdamnôte diete.
0,1095 diu da waf in fo^rgen
0,1096 den abent unde den morgen.
0,1097 fi hêten weinot unde wûft.
0,1098 chlagennef alzogef genûch.
0,1099 fi sprachin “got alterfeine.
0,1100 fehe und erteile.
0,1101 ir machet unfere ere.
0,1102 uile bofere.
0,1103 denne fi waren.
0,1104 ê wir iuch gefâhen.
0,1105 in def richen chunigef houē.
0,1106 da waren wir zelobe.
0,1107 uor allen finen chnechten.
0,1108 ir tatet unrehte.
0,1109 daz difiu rede ward erhaben.
0,1110 da mite bir wir erflagen.”
0,1111 Moyfes erchom sich harte.
0,1112 suf getaner worte.
0,1113 zegote er redenen began.
0,1114 “herre waz haft du getan.
0,1115 zedifme armen luite.
0,1116 die sint befwâret hiute.
0,1117 mit merren werchen.
0,1118 denne fi ê heten.
0,1119 ê ich zedem chunige
0,1120 uon dir reden begunde.
0,1121 nu wil ich dir chlagen.
0,1122 alf ich ime nande dinen namen.
0,1123 daz ward ime uile unwert.
0,1124 er hiez in meren daz werch.
0,1125 er têt in zeware.
0,1126 michel ungenade.
0,1127 fi lîdent ienoh die felben not.
0,1128 du nehabeft fi geledigot.
0,1129 alf du iz mir gehiezze.
0,1130 noh iz wâr neliezze.”
0,1131 Got fin antwurte.
0,1132 fineme trûte.
0,1133 “nu folt du fcouwen.
0,1134 miniu werch tougen.
0,1135 zeichen uile grozziu.
0,1136 fo mûzzet filazen.
0,1137 uzzet fineme lande.
0,1138 iz wirt ime enblanden.

0,1139 du folt in auer ê fagen.
0,1140 einen gewaltigen namen.
0,1141 adonay man mich nenne.
0,1142 fo mach man mich erchennen.
0,1143 daz chut ich bin def herf got
0,1144 unde habe in erwettot.
0,1145 daz ich in welle geben.
0,1146 da fi falikliche leben.
0,1147 lant ir ellendef.
0,1148 niene uergizze ich in def.
0,1149 ez hat befezzen chanan.
0,1150 zeware fulen fiz han.
0,1151 du heiz fi nieht zwiuelon.
0,1152 wande ich wil fi ledigon.
0,1153 also uater finiu chint.
0,1154 uil liep fi mir fint.
0,1155 fwaz ich in han gehaizen.
0,1156 daz wil ich wâr lazzen.”
0,1157 Aue der bote redete.
0,1158 fwaz er uernomen habete.
0,1159 zefinen chunnelingen.
0,1160 alten unte iungen.
0,1161 durch die grozzen aribet
0,1162 fo waf in diu rede leit.
0,1163 fi sprachen sich nechêrten.
0,1164 zû fuf getanen worten.
0,1165 “leit hân wir genuge.
0,1166 wir nebedurfenef mere.”
0,1167 Got in aue lerte.
0,1168 wie er gebarôte
0,1169 er chot. “zweleue ir waren.
0,1170 die hie uore vûren.
0,1171 indaz ellende.
0,1172 uon eigenem lande.
0,1173 iacob ir uater hiez.
0,1174 den ich nie uerliez.
0,1175 in allen finen dingen.
0,1176 mit allerflahte minnen.
0,1177 ir iegelichef chunne.
0,1178 zele du zefamene.
0,1179 die tuiriften. under in.
0,1180 ire namen fulen chunt fin.
0,1181 die fin in ire geflahte.
0,1182 ander uorderiften phaht
0,1183 daz reht du habe unde aaron.
0,1184 uon leui birt ir geborn.
0,1185 wand ir fult under in.
0,1186 die rehten leitere fin.

0,1187 ir fult zepharaone.
0,1188 difiu wort chofen.
0,1189 er lazze mir die mine.
0,1190 und habe ime die fine.”
0,1191 Moÿfes der tiure man.
0,1192 aue reden er began.
0,1193 “wie folt er mich uernemen.
0,1194 ich nechan nicht reden.”
0,1195 got ime def antwurte.
0,1196 mit warlichen worten.
0,1197 “nu wizzest daz du bist.
0,1198 got pharaonif.
0,1199 mit mir folt du iz ordenen.
0,1200 din brüder fol die rede tûn.
0,1201 er fol uorspreche fin.
0,1202 beidiu min und din.
0,1203 durch def liutes note.
0,1204 die du chlagest hiute.
0,1205 nim die gerte indine hant.
0,1206 wurche zeichen manikualt.
0,1207 zeallen dingen ist si gût.
0,1208 fwef so wnsget din mût.
0,1209 du tûst Zeichene uile.
0,1210 wunderes allez daz du wile.”
0,1211 Da newas nehein twale.
0,1212 uvr den chunich si chomen.
0,1213 ire botschaft irgaben.
0,1214 als si uernamen.
0,1215 daz er daz liud liezze.
0,1216 noh ez niene uerstiezze.
0,1217 des ime got mit gewalte.
0,1218 hête behalten.
0,1219 edele und uritûm.
0,1220 daz folt er durch reht tûn.
0,1221 unde netâte er iz mit minnen.
0,1222 er wurde sin beduwngen.
0,1223 uon dem oberiften gote.
0,1224 “des bir wir sine boten.”
0,1225 Der chunich fragen began.
0,1226 wie er daz mohte wizen.
0,1227 daz si vûren uone gote.
0,1228 unde si waren sine boten.
0,1229 des liutes wâre ein michel here.
0,1230 des nemohte er enbern.
0,1231 infineme rîche.
0,1232 si redeten wunderliche.
0,1233 er chot daz si in uerbâren.
0,1234 er newesse waz diu rede wâre.

0,1235 Aaron do die gerten nam.
0,1236 uon dem heiligen man.
0,1237 warf si felbe werde.
0,1238 uvr den chunich zeder erde.
0,1239 do ward si zeineme flangen.
0,1240 grozzem unde langem.
0,1241 uvr nicht er iz nehabete.
0,1242 zwene goucgelare er do ladete.
0,1243 die macheten geliche.
0,1244 drakchen fameliche.
0,1245 mit goucgelef lifte.
0,1246 fine mahten iz geuriften.
0,1247 difiu alterfeine.
0,1248 neurazze ene beide.
0,1249 unde wart aue widere.
0,1250 zeholze zire bilede.
0,1251 doch newart weiz got.
0,1252 fin herze nicht uerwandelot.
0,1253 swie er daz zeichen fahe.
0,1254 diu rede duhte in fmahe.
0,1255 fwaz er fahe mit den ougen.
0,1256 er newolt iedoch gelouben.
0,1257 daz si wârhaft waren.
0,1258 oder uone gote uÿren.
0,1259 Def anderen morgenef urû.
0,1260 die boten chomen ime aue zû.
0,1261 die rede si ime fageten.
0,1262 die si uernomen habeten.
0,1263 nicht er si gewerete.
0,1264 def si zime gerten.
0,1265 ich weiz iz dazû gefcahc.
0,1266 daz si chomen zeinem bach.
0,1267 der chunich mit den boten zwein.
0,1268 daz waf funterigez heil.
0,1269 alf iz got wolte.
0,1270 dazziz wesen folte.
0,1271 fisprachen “chunich hère hore.
0,1272 daz zeichen solt du eren.
0,1273 fihel du dife gerte lanch.
0,1274 die ich han in miner hant.
0,1275 daz wazzer ich da mite rûre
0,1276 ze blûte iz sich bechere.
0,1277 zeblûte mûz iz werden.
0,1278 die uifge fuln erfterben.
0,1279 daz wazzer iuch ane ftinche.
0,1280 fwâz ir welt trinchen.
0,1281 ze dem mofe iöch zedem brunnen.
0,1282 da nemeget ir gewinnen.

0,1283 nicht daz ir getrinchet.
0,1284 fo harte iz iuch ane flinchet.
0,1285 waz wil du chunich here.
0,1286 zeichen grozere.”
0,1287 Vnf faget diu scrift zware.
0,1288 daz die goucgelare.
0,1289 mit galfterf lifte.
0,1290 ze derftundef frifte.
0,1291 diu felben werch worhten.
0,1292 nicht in neuorhten
0,1293 durch daz newart weiz got.
0,1294 fin herze nicht uerwandelot.
0,1295 Erneruhte fi gehoren.
0,1296 fwie er daz zeichen fahe.
0,1297 ez waz ein michel unheil.
0,1298 er cherte aue. hineheim.
0,1299 alle die lant liute.
0,1300 wurden zenôte.
0,1301 fi grûben zallen ftunden.
0,1302 uile harte tieffe brunnen.
0,1303 der durft têt in uil not.
0,1304 in warebezzer der tôt.
0,1305 wande fi zeneheiner ftunde.
0,1306 wazzer neuunden.
0,1307 daz fi sich gelabeten.
0,1308 deheine wif erchuolten.
0,1309 difiu not waf fiben tage.
0,1310 uon dannen heten fi chlage.
0,1311 daz lantliut gemeine.
0,1312 uber groze und uber chleine.
0,1313 Die boten aue chomen.
0,1314 zedem chunige pharaone.
0,1315 fi bâten dane lazen.
0,1316 ir lieben hufgenozze.
0,1317 wande iz got wolte.
0,1318 und iz wesen folte.
0,1319 daz siheim funnen.
0,1320 da fi ir erbe funden.
0,1321 da fi durch nehein geduwanch.
0,1322 newaren. in niemannes hant.
0,1323 deme fi dienôten.
0,1324 mit deheiner flahte nôten.
0,1325 unde da fi müften erûullen.
0,1326 ir felber mût willen.
0,1327 Der chunich iz wider redete.
0,1328 alfer gewalt habete.
0,1329 mit micheler ungûte.
0,1330 und nach grozer ubermûte.

0,1331 wande finherze waf beuangen.
0,1332 mit fundeklichen fcanden.
0,1333 mit micheler herte.
0,1334 def ingalt daz lant harte.
0,1335 wand iz wart gezuhtegot.
0,1336 mit manikualter not.
0,1337 die nie niemen uernam.
0,1338 neweder wib. noh man.
0,1339 got fûhte fi heime.
0,1340 mit herige uile chleinime.
0,1341 al nah finem gewalt.
0,1342 iz waf uile harte manikualt.
0,1343 iz ne uûrte fchilt noh daz fwert.
0,1344 noh die hutten. noh gezelt.
0,1345 helm noh die brunne
0,1346 neheiner riterfcephte wunne.
0,1347 in roffe noh inmûlen.
0,1348 ingereiten uiletüren.
0,1349 noh denſcaft noh den bogen.
0,1350 zû deheines uolch wigef lobe.
0,1351 noh die ſovmare.
0,1352 fnelle oder trage.
0,1353 noh horn neheiniz.
0,1354 grozez noh chleinez.
0,1355 noh zeneheiner flahte ulizzen.
0,1356 zeichen diu wizzzen.
0,1357 roten uanen breiten.
0,1358 den nemoht iz geleiten.
0,1359 noh die ſciltchnehte.
0,1360 fwie iz wolte uehten.
0,1361 wider den richen pharaonem.
0,1362 uur den himelchunich uronen.
0,1363 Aaron do uernam.
0,1364 daz er ime uerzîhen began.
0,1365 fine hente er do denete.
0,1366 alfo in ſin brûder manete.
0,1367 zeder heidene ungemache.
0,1368 uber diu wazzer iöch diebache.
0,1369 uber diu mōfer elliu.
0,1370 breit und lengiu.
0,1371 dannen chomen zuware.
0,1372 chroten uile mâre.
0,1373 ein here groz unde breit.
0,1374 deme lande waf iz arbeit.
0,1375 daz lant iz befaz.
0,1376 alfo wit ſo iz waf.
0,1377 ûze und inne.
0,1378 ſo nemohtet ir uinden.

0,1379 niener neheine stat.
0,1380 chroten neware der michel chraft.
0,1381 fi heten unrawe.
0,1382 an alle gnade.
0,1383 in allen ir felden.
0,1384 uon fuß getanen heleden.
0,1385 fine mohten in entrinnen.
0,1386 mit niehte überwinden.
0,1387 Pharao daz zeichen gefach.
0,1388 ez tuhte in ungemach.
0,1389 er hiez ime gewinnen.
0,1390 die zwene gotes gefunden.
0,1391 er chot "ir herren wizet ir waz ir tût.
0,1392 izinift fuß zeniuwehte gût.
0,1393 wir birn alle nah uerlorn.
0,1394 ir bitet got daz er finen zorn.
0,1395 ein lutzel geftille.
0,1396 mich so harte neuille.
0,1397 unde mich ledige uon dirre not.
0,1398 iz ist ein scantlicher tût.
0,1399 daz liud lâz ich danne uaren.
0,1400 ân aller flahte scaden."
0,1401 Moyses zedem [...]
0,1454 [...] liez.
0,1455 ân aller flahte uorhte.
0,1456 gotes er aue chorte.
0,1457 er chot fine wolten fliehen.
0,1458 simûfen ime dienen.
0,1459 iemmer unze an finen tût.
0,1460 daz waf den iuden ein michel not.
0,1461 Moyfi wart diu rede zorn.
0,1462 er sprach. "nu lieber brûder aaron.
0,1463 dizze ist aue gotes gebot.
0,1464 ich fage dir wie du tûn folt.
0,1465 liebe hore her zemir.
0,1466 dife gerte nim zedir.
0,1467 habe dir iz zegamene.
0,1468 flach flege manige.
0,1469 ûf den stoub der erde.
0,1470 hundes fliegen fuln iz werden.
0,1471 uon deme selben fande.
0,1472 after alleme difeme lande."
0,1473 Aaron tet. dur not.
0,1474 daz ime got unde moyses gebot.
0,1475 er machete stoub manichualt.
0,1476 mit der gerte inder hant.
0,1477 diu scrift diu ne liege.
0,1478 iz wurden hundes fliegen.

0,1479 der fant al gemeine.
0,1480 groz unde [...]